



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

De Concionibus.

[urn:nbn:de:hbz:466:1-74413](#)

Suprà notavimus, has *Novem* Regulas melius collocandas fuisse initio Capitis; forte Autor ratus omnia, quæ præcedunt ad materiam Fidei pertinere; putavit, hic loquendum esse de viribus & accidentibus Fidei.

Quinque Regulae sequentes, de *Lectione Librorum Sacrorum* inscripte, pertinent ad accidentia Fidei; numeri series id significat: connexionem quoque habent cum Prædicationibus, quæ præsertim ex Libris Sacris haurienda sunt, perinde ac Doctrina Fidei: indicant solum Textus, qui rationes hujus lectionis afferunt, aut qui legendos à non legendis Libris secernunt, aut tempus, quo illi in Officio legendi sunt, præstinent: docent Vetus Testamentum juxta Hæbraicam Linguam esse interpretandum, & Novum juxta Græcam, & si in illis Libris nonnulla parùm intelligibilia occurrant, faciendum esse, quod legitur *Distr. IX. Can. Ego solus, & Can. Si ad Scriptur.* nempe mentem captivare ad obsequium Fidei sine metu erroris.

DE CONCIONIBUS.

Regula XII. hujus *Questionis* reducuntur ad Personas, quæ jus habent concionandi; ad qualitates, quibus instructæ esse debent; ad Praelatum, qui jus illas mittendi habet; ad jura & officia Auditorum; ad modum, quo uti debent Prædicatores in suis Monitionibus. *Quatuor* priores Regulae primum Caput respiciunt, & includuntur in *Prima*, quæ Prædicationem interdict eis, qui non habent Ordinem ad eam requiritum; inde enim sequitur, Feminas, Laicos, Religiosos, qui non sunt Clerici, ab illo munere excludi; *Exceptio I. & II.* includuntur in *Regula* sive integratæ restitutæ. *Except. III.* sumpta ex Inspiratione interiori, illusioni subjacet. *Except. IV.* ad rem non facit; nam Controversia circè ingressum in Religionem, non sunt Prædications.

Reg. VI. quinto loco poni debuisset; loquitur de qualitatibus Prædicatorum, ad quas pertinet Ordinatio, in *Quatuor* prioribus memorata.

Textus *Reg. V.* loquentis de nominatione Prædicatorum, respicit institutionem Curatorum, ad præsentationem Monachorum, Curatorum Primitivorum; proinde remotam habet affinitatem cum argumento.

Regula VII. VIII. IX. X. respiciunt jura & officia Auditorum. *Septima* dicit, ad Prædicationem admittendos esse omnes, qui audire cupiunt. *Tres* reliquæ docent, magnam attentionem esse afferendam, Evangelium erecto Corpore esse audiendum; exendum non esse à Concione, priusquam finita sit. Ultima hac Regula videtur abrogata, exceptis casibus, in quibus exiri nequit sine turba vel scandalo.

Officia, quæ Prædicatores Auditoribus inculcare debent, sunt in *Reg. XI. & XII.* nempe solvendi decimas, & sibi mutuam opem ferendi.

DE ORATIONE, sive PRECIBUS.

Reg. VII. jungenda erat *Prima*: ambæ loquuntur de Oratione Dominicâ: hæc eam recitari jubet post Officium Nocturnum, & Vesperas. *Septima*, eam peccata leviora delere dicit, si emendatio concurrat.

Reg. X. connectenda erat *Secunda*: utraque Missam respicit: hæc de Præfatione ipsius; illæ de Secretâ loquitur. *Reg. VIII.* *Quarta* subiicienda erat, quippe, quæ ad modum orandi pertineat, perinde ac *Terria*, quæ dicit corde & ore orandum esse: *Quarta* autem flexis genibus orandum esse dicit, exceptis Diebus Dominicis & Quinquagesimâ Paschali; fert enim Conjugatos ex mutuo consensu abstinere debere, ut vacent Oratione publicæ, quæ Diebus Festis fit, undè natus est antiquus usus Continentia in illis diebus.

Reg. V. VI. respiciunt eos, pro quibus orandum est, aut non orandum.

Reg. IX. indicat eos, cum quibus orare non licet, nempe Excommunicatos, & Clericos depositos. Ho-

die cum Excommunicato, nisi denuntiatus sit, orare possumus, & Clericus depositus à Precibus publicis non excluditur. *Regulam IX.* exposuimus antè V. & VI. ideo quòd breviter id fieri poterat, alia longiora enucleationem requirent: Ferunt, orandum esse 1. pro Sæculari Poteſtate: proinde, pro Princeps & Magistratibus. 2. Pro Defunctis; circè quod aſſeruntur sex Exceptiones, quæ ad unicam reducuntur; nempe, Peccatores publici, qui sine ullo penitentia signo defuncti sunt. Personæ nominatim exceptæ, sunt, 1. Rei supplicio addicti; usus autem pro illis orandi vigeat. 2. Ii, qui cœſi sunt in flagranti delicto. 3. Ii, qui se ipsis occiderunt, 4. Clerici, qui cœſi sunt, vel in Bello vel in iuglio, aut in Ludis Paganorum. 5. Excommunicati sine Absolutione mortui. 6. Infideles, si neque baptisati, neque mortui sunt pro nomine Christi: addeandum est, neque baptisari optaverint. Quodad hoc ultimum personarum genus, cum non sint ex Ecclesia Corpore, in quod per Fidem aut Baptismum intratur, conſat, Ecclesiam pro eis orare non debere post eorum mortem; quoad ceteros; si penitentia signa antè mortem ediderint, Ecclesia patitur, pro eis etiam publicas fieri Preces; privatæ enim nequidem prohibentur, quoad eos, qui sensibiles penitentia notas non emiserunt, quoniam forte eos interius penituit.

OBSERVATIONES in CAP. II. de OFFICIIS & MYSTERIIS SACRIS.

Dividitur in VII. Questiones. Sex priores Officia Divina respiciunt, per quæ intelliguntur Horæ Canoniales. *Septima*, ad Missam pertinet. Illæ loquuntur de Personis, ad quas Officiorum Divinorum celebratio pertinet; de iis, quæ ad eam admitti debent; de loco, de tempore, de modo, quibus illa fieri debeat, & de eorum Confectariis. Supponitur, Ordines ad Officiorum Divinorum celebrationem esse necessarios *Reg. I.* ideoque ab hac arcentur ii, qui à Promotione ad Ordines, & consequenter ab Ordinum exercito, excluduntur; quæ enim uni obstant, alterum impediunt; nempe, Suspensio, Depositio, Concubinatus publicus, Lepra, Irregularitas ob crimen, vel ob defectum, Simonia, Hæresis: *Reg. II. III. IV. V. IX.* inter Suspensos, quidam sibi tantum, non aliis suspensi sunt. De illis loquitur *Reg. VIII.* ad Officiorum celebrationem admittit Clericos, quorum mores pravi sunt. Inter Personas legitimè impeditas, quædam ad tempus duntaxat: tales sunt, *Reg. VI. & VII.* quæ de Corporis impuritate transitoria loquuntur. Quod dicitur *Reg. XIII.* de Monachis respectivè ad celebrationem Officiorum, est repetitio eorum, quæ dicta sunt, quoad Conaciones. Exceptiones ostendunt, agi solum de celebratione publicâ; nam agnoscunt, Monachos Ordinibus carentes, Officia inter se celebrare posse. Quod ibi dicitur & in *Reg. I.* de necessitate Ordinum, ad celebrationem Officiorum, respicit solum munera aliquem Ordinem requirementia: hodie sufficit, ut celebrationi Præsidens sit Sacerdos.

Reg. XV. quæ fert, eos, qui Mysteria inchoaverunt, teneri ad ea perficienda, Missam respicit: itaque, reiencia erat ad Quæſtionem VII.

Reg. unica Quæſt. II. quæ ab assistentiâ ad Officia solos Excommunicatos & Interdictos removet, ostendit discrimina inter assistentiam, & celebrationem, cum plures alios *Reg. I.* *Quæſtiones* à celebratione excluant.

In *Reg. I. Quæſt. III.* Hospitalia inter Oratoria publica numerantur; nam, ab aliis propter Consuetudinem, excipiuntur. *CLEMENTINA de Religiosis Domibus*, hic laudata, non loquitur de Consuetudine Officia in eis celebrandi, sed de eis, quæ illorum curam, seu administrationem, Ministris Sacris attribuit.

Reg. II. & III. quæ dicunt, Officia Divina non esse celebranda in Locis pollutis aut interdictis, extenditur ad Oratoria privata, quæ benedicta sunt, perinde atque ad Oratoria publica, aut Ecclesiæ.

Reg.